

EDITORIAL


Pakigbatuan ang Task Force Philippines sang imperyalistang US

Dapat ubos-kusog nga batikuson kag pakigbatuan ang gintukod nga Task Force Philippines sang imperyalistang US nga gamiton sini sa labi nga pagpasilabot militar sa pungsod. Sa pagtukod sang Task Force Philippines, mas garapal nga ginakontrol sang US ang Armed Forces of the Philippines (AFP) kag iban pa nga pwersang pangseguridad sang estadong neokolonyal para magserbe sa heyopolitikal nga interes sang US sa Asia.

Ang Task Force Philippines isa ka bag-o nga yunit militar sang US nga nakabase sa Pilipinas. Tuyo sini nga italana ang direksyon, plano kag mga operasyon sang AFP sa "depensa pangluwas" halin sa South China Sea tubtob sa Luzon Strait, batuk sa kuno "pangpwersa kag agresibo" nga hulag sang China sa kadagatan.

Dako nga kabulaskugan ang deklarado nga katuyuan sini nga "mas paayuhon ang pagbuligay sang US kag Pilipinas." Kaladlawan nga ginako mismo sang hepe sang AFP nga wala siya sang ihibalo sa detalye kabahin sa plano sang task force nga ini sang US. Ang nahibaluhan lang niya amo nga santo ini sa konsepto kag operasyon sang Task Force Ayungin nga gintukod sang US sadtong nagligad nga tuig.

Gintukod ang nauna nga task force nga ini sadtong 2024 kag gintukod sang mga opisyal militar sang US. Ini ang nagaplano sang mga operasyon "resupply" sang AFP sa barko sini nga BRP Sierra Madre nga nagapundo sa Ayungin Shoal. Ginpadala sang US ang iya kagamitan militar kag hinganiban, kag ginsuportahan ang iya sarbeylans pagkahawaan kag pagkahitaasan (satellite). Sa malipot



nga pulong, ang mga "resupply mission" sang AFP mga operasyon pangkadagatan nga direkta nga mando kag kontrol sang US.

Ang pagtukod sang Task Force Philippines pinakaulihi nga padihot sang imperyalistang US kag marka sang mataas nga lebel sang pagpasilabot sa pungsod. Nagaserbe ini sa bala-yon sang Indo-Pacific Strategy sang US sa tuyo nga palibutan ang imperyalistang karibal sini nga China, kag pungan ang labi nga pag-uswag sang gahum sini sa militar kag ekonomiya.

Pila ka tuig na nga ginagamit kag ginagatungan sang US ang konplikto pangkadagatan sang Pilipinas kag China, agud hatagan sang rason ang paggamit sang Mutual Defense Tre-

aty kag iban pa nga mga indi patas nga kasugtanan militar para pabaskugon ang presensya sang mga pwersang militar sini sa Pilipinas. Gintukod sini ang indi magnubo sa siyam ka base militar sang US nga ginakilala sa idalum sang Enhanced Defense Cooperation Agreement (EDCA).

Mas madamo pa ang wala ginako nga base kag pasilidad sang US sa lain-lain nga bahin sang pungsod, lakip ang ginatukod nga pasilidad sang AFP sa Mavulis island sa Bata-nes para gamiton sang US. May presensya man ang militar sang US sa mga pasilidad sa Ilocos Norte, sa Aurora, Quezon, Mindoro, Panay, kag lain-lain nga bahin sang Palawan. Ginatawuhan ang mga ini sang mga

Bat-ulan nga ido-ido si Marcos sa iya imperyalistang amo nga US. Mas pa siya nga nangin sunod-sunoran tungod sa desperasyon nga kuhaon ang suporta sang US. Ini sa atubang sang naga-indakal nga pang-pulitika nga krisis tuga sang nabuyagyag nga higante nga mga kaso sang korapsyon kag nagapadayon nga lapnagon nga kahublagan protesta batuk sa iya rehimen.

Kapareho sa adyenda ni Marcos, nagahulag ang lain-lain nga maka-US nga partido, organisasyon, mga institusyon kag kabahin sang mas midya para suportahan ang nagadako nga presensya militar sang US sa Pilipinas, sa tabon sang pagdepensa sa "West Philippine Sea." Ang mga ini lunsay ginapondohan sang imperya-

Dapat pabaskugon ang singgit sang banwa para wasakon ang tanan nga base militar sang US, kuhaon ang tanan nga mga misayl sang US sa mga sekreto nga lokasyon sa Pilipinas, kag palayason ang nagapasilabot nga mga pwera militar sang US sa pungsod. Dapat iangot ang singgit nga ini sa paghimakas sang pumuluyo para mahilway sa kuko sang imperyalistang nagapangdagit, angkunon ang independensya kag tukuron ang pungsod nga hilway kag mauswagon.

 Tuig LVI No. 21 Nobyembre 7, 2025	Kaundan
Ang Ang Bayan ginabantala sa lenggwahe nga Pilipino, Bisaya, Iloko, Hiligaynon, Waray, Ingles kag Espanyol. Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.	Editoryal: Pakigbatuan ang Task Force Philippi- nes sang imperyalistang US 1 Pagpaido-ido sang rehimen Marcos sa US 3 Higante nga protesta kontra kurakot sa Nob. 30 4 Pagkastigo sang bagyo kag korapsyon sa Cebu 5 Mga protesta 5 Paghimakas mamumugon 5 94th IB, gin-atake sang BHB 5 Ginpabaskog sang Kaguma ang iya kubay 6 Sa malip-ot nga pulong 7 Nagasingki nga pagpangsumpo sang rehimen Trump 8 Kahimtangan sang mga Pilipinong migrante 9 North Caloocan, ginpaidalum sa militarisasyon 9 Pagpasilabot sang NTF-Elcac sa mga unibersidad 10 Isla sang Leyte, ginbayo sang militarisasyon 10 Paglapas sa tawhanon nga kinamatarung 10
Ang Ang Bayan ginabantala duha ka beses kada bulan sang Komite Sentral sang Partido Komunista ng Plipinas	
 ang.bayan@cpp.ph	

Ido-ido nga rehimen Marcos Jr: Tigtib-ong sang imperyalistang adyenda sang US sa SEA

Sadtong Oktobre 31, gin-anunsyo ni Pete Hegseth, tiglikom sang Department of War sang US (sadto Department of Defense) ang pagtukod sang US sang "Task Force Philippines" sa sinapol sang ASEAN Defense Ministers' Meeting (ADMM)-Plus sa Malaysia. Bug-oson ang task force nga ini sang 60 ka elemento halin sa US Pacific Fleet kag pamunuan sang isa ka Amerikano nga heneral. Pagpalapad ini sa mga operasyon sang US Task Force Ayungin nga nakabase sa Palawan kag subong nagadiriher sa pakig-gasgasan sang Pilipinas sa mga barko nga Chinese sa gina-awayan nga mga isla kag reef (balas kag bato sa higad baybay).

Ginsapubliko ni Hegseth ang Task Force Philippines pagkatapos nga wala nagpasugot ang ASEAN sa gin-proponer niya nga pagtukod sang isa ka "shared maritime domain awareness program" para isentro sa US ang mga datos-paniktik batuk sa China. Wala nagkagat ang mga pungsod sa ginproponer sa pihak sang pagtanyag niya sang abanse nga tekonoheya nga *drone* kaangay sang mga *unmanned* (wala sang piloto) nga mga salakyan pangkahawaan kag pangdagat kabaylo sang kooperasyon.

Isa na lang ka "Indo-Pacific Chiefs of Defense Cooperation Council" ang gintukod ni Hegseth, kaupod ang nagasunod-sunod nga ido-ido sini nga si Gilbert Teodoro, kag ang tiglikom sa depensa sang Australia kag Japan sa pagsinapol nila sa Malaysia sadtong Nobyembre 1. Wala sang bag-o sa konseho nga ini tungod ang apat ka pungsod may sampaw-sampaw nga "kooperasyon" sa dagway sang mga *bilateral*, *trilateral* kag *multilateral* nga kasugtanan militar.

Tigbandera sang imperyalistang adyenda

Antes ang anunsiyo, nagpahayag sang pagkabalaka ang mga kaiping nga pungsod sang Pilipinas sa pamulong-pulong ni Ferdinand Marcos Jr sa ASEAN sadtong Oktobre 28 kon diin nagpanawagan siya para sa "enhanced defense cooperation" kaupod ang Japan kag US batuk sa "seryoso nga peligro sang agresyon sang China" sa rehiyon.

Paandam sang *prime minister* sang Malaysia nga si Anwar Ibrahim, "indi magpadala sa mga ekster-

nal nga pwersa" para solbaron ang internal nga mga konplikto. Suno kay Ibrahim, dapat nga pareho nga likawan ang pagpamilit kag pagpangamo para sa istabilidad sang rehiyon. Ginaengganyo niya ang mga pungsod nga iagi sa dayalogo, kooperasyon kag malinong nga pamaagi ang pagresolbar sa mga hambalanon sandig sa mga prinsipyo sang ASEAN. Nagpahayag sang pagkabalaka ang Indonesia, Laos kag Cambodia sa labi pa nga pag-init sang tensyon sa kadagatan tungod sa agresibo nga pagpanghangkat ni Marcos sa China.

Sang sini lang, ginatikal pa sang kumander sang AFP nga si Romeo Brawner ang ikasarang sang Typhon Missile System nga "malab-ot ang China." Natambak ang amo nga sistema sang misayl sa norte nga bahin sang Luzon, malapit sa Taiwan. Makabig ini nga opensiba nga pagpostura kag kabahin sang pagpasilabot sang

US sa internal nga hambalanon sang Taiwan kag China.

Base sang imperyalistang makinarya sa gyera

Ang Pilipinas, paagi sa bat-ulan nga ido-ido nga estado sini, ang solo nga pungsod sa Southeast Asia nga nagapahanugot sang malawigon nga pagbase sang mga dumuluong nga tropa kag ila mga armas sa kadutaan kag kadagatan sini. Amo man lang ini ang may pormal nga mga kasugtanan militar sa US nga kaangay sang Mutual Defense Treaty kag Enhanced Defense Cooperation Agreement sa rehiyon. Pamatuod sang bat-ulan nga pagpaiddo-ido sini, gintukod sang AFP ang Strategic Command agud hiusahon ang lain-lain nga sanga sini para labi pa nga pahulason ang ilig sang kumand sang US sa sulod sini.

Sa masunod nga mga binulan, indi lang tropa nga Amerikano ang pahanugutan sang rehimen Marcos nga magbase sa Pilipinas. Yara sa negosasyon na ang pagpatindog sang Japan kag Australia, mga mayor nga aliyado sang US, sang kaugalingon sini nga mga base kag tambakan sa pungsod. Dugang sa US, apat ka pungsod ang ginpahanugutan nga magpaguwa-pasulod sang mga tropa, gamit kag salakyan santo sa ginhimo nga visiting forces agreement (VFA). Pinakaulihi diri ang VFA kaupod ang Canada nga ginpirmahan sadto lang Nobyembre 2.

Wala-untat kag nagabulos-bulos ang presensya sang mga dumuluong nga tropa sa pungsod sa dagway sang wala katapusan nga *war games*, *multilateral maritime exercise*, "pagpaambitanay" sang inagihan kag mga operasyon sibil-militar. Ginagamit sang mga ini bisan ang asod-asod nga mga kalamidad nga naagihan sang mga Pilipino, kaangay sang linog kag baha, para himuon nga "normal" sa pumuluyo ang ila presensya kag pagpasilabot sa internal nga mga hambalanon sa pungsod.



Higante nga protesta sang pumuluyo kontra kurakot, ginahanda para sa Nobyembre 30

Natalana nga ilunsar ang isa ka higante nga protesta sang pumuluyo kontra korapsyon sa Luneta Park sa Manila kag iban pa nga bahin sang pungsod sa Nobyembre 30. Pangunahan ang hublag sang bag-o tukod nga Kilusang Bayan Kontra Kurakot (KBKK) nga ginbunga sang protesta sang 100,000 ka indibidwal sa ginatawag Baha sa Luneta sadtong Septyembre 21. Ginapana-wagan sang grupo: "Tanan nga imbolbado, dapat pasabton!"

Suno sa KBKK, ang pagpasabat lang sa tanan nga imbolbado sa ano-maliya ang magatapos sang sistemati-ko nga korapsyon nga nagapameste sa pumuluyo. Lakip sa "tanan" si Presidente Marcos nga amo ang naghimo kag nag-aprubar sa tuigan nga badyet nga puno sang anomaliya kag si Vice President Duterte nga nagaatubang sang kaso nga pagwaldas sa ginatos ka milyon nga *confidential and intelligence funds*.

Sa bug-os nga Nobyembre, kada semana nga ilunsar sang mga kaalya-do sang KBKK ang Black Friday Pro-test, mga piket kag pagpagahod sa mga komunidad, unibersidad, pabrika, merkado kag kon diin man nagatipon ang pumuluyo. Pangunahan man sini ang mga porum, dalagkuan nga mga sinapol kag pagpangtakod sang mga istrimer agud abuton ang mas mada-mo nga Pilipino.

Sadtong Oktobre, sunod-sunod ang nangin protesta kag mga aktibi-dad sang mga organisasyon sa idalum sang KBKK. Nagmartsa halin sa Liwa-sang Bonifacio padulong sa Mendiola sa Manila ang linibo ka mangunguma, kaupod ang iban nga demokratikong sektor sadtong Oktobre 21. Panawa-gan nila ang matuod nga reporma sa duta kag pagpasabat sa rehimen Marcos sa korapsyon. May yara man sang mga hublag sa Cebu, Bacolod, Davao kag Santiago City sa Isabela, kag sa mga probinsya sang Southern Tagalog kag Panay. Nagsuporta sa mga mangunguma kag naglunsar sang "global nga pagpagahod" ang mga migranteng Pilipino halin sa US, Cana-da, Australia, United Kingdom, Japan, Hong Kong kag South Korea.

Sadtong Oktobre 24, ginpatigayon ang Black Friday Protest sang Bayan-

NCR sa mga syudad sang Manila, Quezon, Pasig, Taguig, kag Valenzuela. May amo man nga aktibi-dad sa Laguna kag Albay. Ginsu-long man sang mga myembro sang Kalikasan-PNE, People Surge kag Kadamay ang *compound* sa Taguig City kon diin naga-opisina ang ICI.

Sadtong Oktobre 27, nagtipon sa San Juan City ang mga obispo, pari kag pastor halin sa lain-lain nga denominasyon nga nakabase sa National Capital Region para tuku-ron ang Church People Against Cor-ruption. Pagkasunod nga adlaw, nagprotesta ang mga tsapter sang Gabriela sa Pungsodnon nga Adlaw sang Protesta sang Kababaenhan.

Sadtong Oktobre 30, nagprotesta ang mga mamumugon pang-ikaayong-lawas sa Quezon City agud kondena-hon ang korapsyon, kag manawagan sang dugang nga sweldo, pagbayad sa mga benepisyo kag dugang nga tinawo sa mga ospital sang gobyerno. Nag-aksyon man ang mga estudyante sang UP-Tacloban kag University of Eastern Philippines sa Northern Samar.

Sadtong Oktobre 31, liwat nag-martsa ang mga grupo sa idalum sang Bayan sa Mendiola Manila. Ginlunsar man sa adlaw nga ini sang Concerned Artists of the Philippines ang #Stop-Korap Halloween Party nga may tema nga "Ghost Projects: The Exorcism!" sa Quezon City. May Black Friday Pro-test man sa Caloocan kag Pasay City, San Pablo City sa Laguna, kag sa Ca-gayan de Oro City.

Bangkil sang pasismo

Sa atubang sang nagalapad nga kaakig sang pumuluyo, tayuyon ang pagtinguha sang rehimen Marcos nga sumpuon kag kugmaton ang pamatan-



on. Sadtong Nobyembre 3, nag-anun-syo ang Philippine National Police-Cri-minal Investigation and Detection Group (PNP-CIDG) nga nagpasaka ini sang mga kaso sa 97 ka wala ginpa-ngalanan nga indibidwal kaangot sa protesta sadtong Septyembre 21 nga nagdangat sa mapintas nga pagsumpo sang mga pulis.

Dugang sa ila, apat ka lider-estud-yante halin sa University of the Philip-pines-Diliman, Polytechnic University of the Philippines kag De La Salle-Col-lege of St. Benilde ang ginpadal-an sang PNP-CIDG sang *subpoena* agud ipaidalum sa imbestigasyon. Nagpa-malibad ang mga lider-pamatan-on nga mag-atubang sa mga pulis. Isa ka protesta man ang ginhiwat nila sad-tong Oktobre 27 sa hedkwarters sang PNP sa Quezon City agud batikuson ang mga *subpoena*.

Magluwas diri, napulo sa mga gin-aresto nga 270 ka indibidwal sadtong Septyembre 21 ang ginrekomendar sang prosekutor sa Manila nga por-mal nga mag-atubang sa kaso nga *tumult and other disturbances of public order*. Samtang, ginbasura ang mga reklamo nga iligal nga asembleya kag *direct assault* nga ginpasaka sa mga gin-aresto tungod sa kawad-on sang bastante nga ebidensya.

AB

Korapsyon kag pagkwari sa Cebu,
nagresulta sa trahedya

NAGLAB-OT SA 139 ang nalista nga napatay sa Cebu sad-tong Nobyembre 7 bangud sang pagragasa sang baha du-lot sang patarasak nga pagkwari sa kabukiran sang isla, nga ginpalala sang mataas nga bolyum sang ulan nga dala sang Bagyo Tino. Pinakadamo ang nalista nga napatay sa Liloan kag mga syudad sang Talisay, Mandaue kag Cebu, mga lugar kon diin dapat may nagatindog nga imprastruk-tura nga *flood control*, kalakip ang mga proyekto sa gin-kontrata sang mga kumpaniya sang mga Discaya. Ikaduha ang Cebu sa may pinakadamo nga proyektong *flood control* sa bug-os nga pungsod nga nagabalor sang ₱26 bilyon.

Panawagan sang mga Cebuano ang hustisiya sa mga nahalitan dulot sang kapalpakan sang mga proyektong *flood control*, kag salabton sang mga korap nga lokal kag pungsodnon nga opisyal sang gobyerno.



Piket kontra saka-sukot sa tubig. Nagpiket ang Bayan-Panay sa opisina sang Metro Iloilo Water District sa Iloilo City sadtong Oktubre 20 agud batikuson ang natalana nga pagpasaka sang sukot sa tubig. Magapasaka sang sukot ang Metro Pacific Iloilo Water sang 26% padulong sa ₱25.2 kada *cubic meter* sa Nobyembre kag mangin ₱28.67 kada *cubic meter* sa Marso 2026, halin sa subong ₱20 kada *cubic meter*.

NCIP sa Pampanga, gin-uyog sang mga Ayta. Nagkadto sa opisina sang NCIP Regional Office sa San Fernando, Pampanga sadtong Oktubre 23 ang mga tumandok nga Ayta kag iban pa nga mga sektor. Nagpahayag sila sang pagpa-matuk sa mga proyekto nga nagapang-agaw sa ila duta nga ginpanubli kaangay sang operasyon kwari, mina, mga *golf course* kag *solar farm*. Antes ang hublag, gintukod sang mga Ayta ang ila organisasyon nga Mansaway kag ang Pa-milalamu, asosasyon sang mga tumandok kag simbahan.

Mga pamatan-on Mindanaoan para sa Palestine. Nag-lunsar sang hublag ang mga estudyante sa Mindanao State University-Iligan Institute of Technology sa Iligan City kag University of Science and Technology of Southern Philippi-nes sa Cagayan de Oro City sadtong ulihi nga semana sang Oktubre bilang pakig-isa sa pumuluyong Palestino. Ginbati-kos nila ang henosidyo sang Zionistang Israel kag sang im-peryalistang US batuk sa mga Palestino sa Gaza.

Pagpamatuk sa pribatisasyon sa merkado sa Baguio City. Nag-aksyon ang mga residente sang Baguio City sad-tong Oktubre 26 para pamatukan ang pribatisasyon ukon gi-natawag nila mga "mallification" sang SM Prime Holdings kag lokal nga gobyerno sa pangpubliko nga merkado sa syudad. Naglunsar sang lain-lain nga tipo sang aktibidad ang mga grupo bilang panawagan para sa inklusibo kag na-kasentro sa komunidad nga pag-uswag sang syudad.



Away sang mamumugon sa Wyeth Philippines. Liwat nagprotesta ang mga mamumugon sa pagpanguna sang Wyeth Philippines Progressive Workers Union-DFA-KMU sa atubang sang planta sang kumpaniya sa Cabuyao City, Laguna sadtong Oktubre 24. Ginkundenar nila ang padayon nga pagpamalibad sang kapitalista nga sabton ang panawa-gan nila sang makatarungan nga sweldo kag regularisasyon sa halos apat ka bulan nga negosasyon para sa collective bargaining agreement (CBA).

Sweldo kag kinamatarung, panawagan nga respetuhon sa Kowloon. Nagpiket ang mga mamumugon sang Kowlo-on House West sa guwa sang restawran sa West Avenue, Quezon City sa pagpanguna sang Kowloon House West Chapter sang Glowhrain-KMU sadtong Oktubre 24. Gin-kundenar sang unyon ang ginatawag sini nga lubos nga pag-balewala sang maneydsment sa kinamatarung sang mga ma-mumugon kag paglapas sa ila CBA. Suno sa unyon, napas-lawan ang restawran nga ipatuman ang mga probisyon sang CBA kasubong sang *across-the-board* nga pagsaka sang sweldo santo sa mando sang *regional wage board* kag husto nga proseso sa mga kaso sang pagdisiplina. Wala man ini nagahatag sang nagakadapat nga benepisyo kag proteksyon.

2 ka unyon sa UA&P magawelga. Nagsumiter sang report sang *strike vote* ang University of Asia and the Pacific (UA&P) Union of Faculty Members kag UA&P Union of Allied Employees sa National Conciliation and Mediation Board (NCMB) sadtong Oktubre 27. Sabat ini sang duha ka unyon sa pagpamalibad sang administrasyon sang unibersi-dad sa panawagan nga dugang nga sweldo, benepisyo kag matarong nga kahimtangan sa trabaho. Apat ka bulan na ang pakig-areglo sang mga unyon sa administrasyon sa mando sang NCMB apang nagapabilin nga matig-a kag bungol ini sa ila panawagan.

94th IB, gin-atake sang BHB

NAGLUNSAR SANG OPERASYON haras ang Bagong Huk-bong Bayan (BHB)-South Central Negros (Romeo Nanta Command) batuk sa tropa sang 94th IB sa Sityo Cantupa, Barangay Buenavista, Himamaylan City, Negros Occidental sadtong gab-i sang Oktubre 27. Indi magnubo sa duha ang napilasan sa mga berdugo nga soldado.


Nagdalalagan ang mga soldado kag pila pa ka segundo antes nakabalos lupok. Patarasak nga nagpaulan sang bala sa erya ang 94th IB gamit ang ila masinggan kag nagpalu-pok sang M203.

Samtang, nareport nga nagsungka sa BHB-Southwest Negros (Armando Sumayang Jr Command) ang pila ka ahente nga intel sang 15th IB sa banwa sang Cauayan sadtong Oktubre. Ginbaton sang yunit ang pagsungka sa basehan nga wala pa sang halit kag utang nga dugo sa re-bolusyonaryong kahublagan kag pumuluyo ang mga aset.

Sa espirito sang kahublagan panadlong

Ginapabaskog sang Kaguma ang kubay sang mga rebolusyonaryong manunudlo

Desaysibo nga ginpangibabawan sang Katipunan ng mga Gurong Makabayan (Kaguma) ang mga kahuyangan kag kasaypanan sini sa nagligad nga mga tuig, sa inspirasyon sang kahublagan panadlong sang rebolusyonaryong kahublagan. Pamatuod sini ang paghiwat sang rebolusyonaryong grupo sang mga manunudlo sang ila Ika-apat nga Pungsodnon nga Kongreso sad-tong Oktobre.



Nagtipon ang indi magnubo sa 79 ka katapo halin sa mga tsapter sang Kaguma halin sa lain-lain nga rehiyon, akademiko nga institusyon kag uniwersidad sa sektor sang edukasyon para sa kongreso. Naghiliusa ang mga delegado sa tema nga "Sulong rebolusyonaryong kahublagan sang mga manunudlo! Manadlong! Magpalapad! Maghimakas! Magmadinalag-on! Ubos-kusog nga isulong ang demokratikong rebolusyon sang banwa nga may sosyalistang perspektiba!"

Masobra sa duha ka dekada na ang nagligad halin sang ilunsar ang ulihi nga kongreso sang grupo. Ang mga una sini nga kongreso ginhiwat sad-tong 1985, 1987 kag 2003. Natukod ang grupo sad-tong Marso 28, 1971.

"Liwat nga bangunon ang Kaguma, makahas nga magpalapad kag magpabaskog sa bug-os nga pungsod. Pursigido nga isulong ang mga kumprehensibo nga katungdanan para sa rebolusyon," suno sa Pungsodnon nga Kalihiman sa report sini sa pagsugod sang kongreso.

Sa pagtilipon, gin-report sang kalihiman ang mga pagsuma sang Kaguma sang kaugalingon nga organisasyon sa nagligad nga duha ka dekada. Unod diri ang mapainubuson nga pagsaway sa kaugalingon sa pagbuhi sa sandigan nga prinsipyo sang rebolusyonaryong organisasyon kag sa mga pamaagi sini sa nagligad nga mga tuig.

Napinal kag nakasugtan sang kongreso ang importante nga dokumento sang Kaguma lakip ang oryentasyon, konstitusyon kag ang tatlo ka

tuig nga taktikal nga plano sini. Ginbalay sa kongreso ang anum ka resolusyon nga maga-ubay sa tayuyon nga pagsulong sang organisasyon.

Nagpili man ang kongreso sang bag-o nga Pungsodnon nga Konseho kag Pungsodnon nga Komiteng Tagpatuman nga magatindog nga pamunuan sang organisasyon sa bug-os nga pungsod. Ginpili si Guia Umili bilang tsirman kag tagpamaba sang Kaguma.

Ginpanginbulahan sang National Democratic Front of the Philippines kag sang Partido Komunista ng Pilipinas ang desisyon kag pagpursige sang Kaguma sa paghiwat sang Ika-apat nga Pungsodnon nga kongreso sini.

"Nagalaum kami nga sa kongreso nga ini makonsolida ninyo ang inyo kubay, makakuha sang mga pagtulun-an halin sa mga inagihan, kag mas malig-on nga magsulong sa pagpatuman sa mga katungdanan sa pagpabaskog sang rebolusyonaryong kubay sang mga manunudlo," pahayag ni Elias Dipasupil, heneral nga sekretaryo sang NDFP.

Suno kay Marco Valbuena, pinuno nga opisyal sa impormasyon sang PKP, matuod nga makasaysayan ang nalunsar nga kongreso, indi lang tungod nahiwat ini pagkatapos sang malawig nga panahon, kundi tungod seguridad nga magabukas ini sang bag-o nga panahon sa pagsulong sa mas mataas nga lebel sang rebolusyonaryong kahublagan manunudlo.

Suno kay Valbuena, ang Kaguma nagaserbe nga silak para sa mga manunudlo nga nagahatag sang kasanag

sa banas nga dapat nila usuyon para maagum ang handum nila kag sang bug-os nga pungsod. "Sa inyo pagpanikasog, ginahatagan ninyo sang inspirasyon ang mga manunudlo para magtan-aw lapaw sa subong nga mga kabudlayan, kag makig-isa sa paghimakas sang malapad nga pumuluyo agud lubos nga bag-uon ang sosyal nga sistema," mensahe niya sa Kaguma.

Sa pagtapos sang Kongreso, ululupod liwat nga nagsumpa ang mga katapo kag mga bag-o nga napilian nga pamunuan nga ginsundan sang pangtapos nga paghambal sang tsirman. Sa iya pamulong-pulong, ginkilala kag ginpasidunggan sang tsirman nga si Umili ang mga martir sang sektor kag sang pumuluyo. "Sila ang naghalad kag nagbubo sang bug-os nga kabuhi para sa rebolusyon. Saludahan naton ang mga kaupod naton nga yara sa kaumhan, kag nagatungod sang mataas nga klase sang paghimakas," suno sa iya.

Nagbilin man sang hangkat sa mga delegado sang kongreso si Umili: "Kabay padayon nga magbaskog ang angtanay sang aton rebolusyonaryong teorya kag praktika; kabay ang mga dokumento kag mga pagtuon indi mangin nakapondo nga kinaalam nga nakatago lang sa aton mga panghuna-huna kundi mangin ubay sa pagpauswag sang aton paghulag; kag kabay nga ang aton paghulag iduso padulong sa mas mataas nga lebel sang aton rebolusyonaryong teorya."

AB

PORK BARREL ni MARCOS

₱15.9 BILYON

kabilugan nga *confidential and intelligence funds* (2022-2025)

₱2.1 TRILYON

kabilugan nga *unprogrammed allocations* (2023-2025); kon diin ₱214.4 gintalana sa 3,700 *flood control projects*, kadam-an maanomaliya kag *ghost*.

₱1.79 bilyon

pondo nga ginbubo sa *substandard* nga *flood control project* sa **Bunawan River** sa Davao City halin 2016 tubtob 2024. May mga bahin diri nga wala pa natapos tubtob subong.

Ginkuhaan: Kilab Multimedia

1 sa kada 5

Pilipino nga edad 10-64 *functionally illiterate*. Makasarang sila magbasa kag magsulat pero indi ini magamit sa matag-adlaw nga pagpangabuhi.

Ginkuhaan: Philippine Statistics Authority/Functional Literacy, Education and Mass Media Survey



15 milyon

Venezuelan ang nagpalista halin Agosto agud liwat tukuron ang **Bolivarian Militia** sa bug-os nga pungsod. Pagpakita ini nga "handa, aktibo kag armado" ang pwersang milisya nga depensahan ang pungsodnon nga teritoryo sang Venezuela sa atubang sang pagpanghadlok kag peligro sang pagpangsalakay sang US.

188

napatay kag 135 ang nadula, kadam-an sa Visayas tuga sang grabe nga pag-ulan kag pagbaha nga dala sang **Bagyo Tino**. Mga 127,827 ka pamilya ang napilitan nga magbakwit halin sa ila mga komunidad.



3,000 ►

mangingisda sa Bais City kag Manjuyod ang nahalitan ang palangabuhian tungod sa pagka-ula sang kemikal nga *ethanol* halin sa **URC Sugar and Renewables Group Distillery Plant** sadtong Oktobre 24; ginhiluan sang kemikal ang manggaranon nga katubigan kag manggad-pangdagat sang Tañon Strait.



14 ka tuig

na ang nagligad halin sang ginpatay sang paramilitar sang AFP si **Fr. Pops Tenorio**, tigtib-ong sang kinamatarung sang mga Lumad kag tagpangapin sang kapalibutan, sadtong **Oktobre 17, 2011**.



Ang nagasingki nga pasista nga pagpangsumpo sang rehimen Trump sa pumuluyo sang US

Napulo ka bulan pa lang halin sang magpungko liwat si Donald Trump sa gahum, naglab-ot na sa bag-o nga lebel sang kasingkion ang iya patakaran nga kontra-pumuluyo kag kontra-demokratiko.

Barahubal nga ginagamit ni Trump ang dulunan sang iya gahum bilang presidente sang US. Naga-asta siya nga hari kag diktador nga ginahimo ano man ang iya luyag nga wala sang salabton. Hayagan niya nga ginaderehir ang iya administrasyon padulong sa paghari nga pasista kag diktadurya. Hayagan man niya nga gina-ipit ang mga kahilwayan kag kinamatarung sibil sang pumuluyo kag ginatapkan ang kaugalingon nga mga layi, proseso kag institusyon.

Sa pag-asta nga diktador, ginagamit ni Trump ang mga pwersang militar (US Marine kag National Guard) agud paludhon ang mga *sanctuary state* ukon mga estado nga nagakilala sa kinamatarung sang mga imigrante. Sadtong Septyembre, ginpahayag ni Trump ang iya plano nga gamiton ang militar agud sumpuon ang mga pagpamatuk sa iya mga patakaran. Suno sa iya, wala sang kinalain ang mga tawo nga nagapamatuk sa iya rehimen sa mga kaaway sang US sa iban nga pungsod.

Ginhatagan ni Trump ang Immigration and Customs Enforcement (ICE) sang "kota" nga 3,000 ka pag-aresto sang mga imigrante kada adlaw kag ginhatagan sang otorisasyon ang paggamit sang pinakamapintas kag brutal nga pamaagi. Target sang pagpangkastigo, pagpangluthang, paglagas kag deportasyon ang sin-o man nga nagabatikos kay Trump, ang mga "daw nawong imigrante" kag mga aktibista.

Naglab-ot na sa 23 ka indibidwal ang napatay samtang yara sa kostodiyang sang ICE, kadam-an tungod sa pagdingot sang atensyon medikal. Mga 515,000 ka indibidwal ang napadeport kag mga 1.6 milyon ka imigrante ang pilit nga naglayas ukon boluntaryo nga naghalin subong nga tuig. Halos 60,000 ang iligal nga nabilanggo sa mga pasilidad sang ICE kon diin naga-

antus sila sang pagpang-abuso, pagmaltrato kag kawad-on sang serbisyo medikal.

Sakon sa gahum, pila ka beses nga ginpahayag ni Trump ang iya intensyon nga magdalagan liwat bilang presidente sa ikatatlo nga termino sa ano man nga pamaagi, bisan lapas ini sa konstitusyon sang US. Ginpangungko niya sa gahum ang iya mga alyado kag kaugalingon nga mga abogado, samtang ginakasuhan, ginalagas kag ginakakas sa trabaho ang tanan nga nagapakigbato kag wala nagasunod sa iya kapritso. Pilit niya nga ginapaluhod sa iya kagustuhan ang mga kumpanya sang midya, husgado, mga ahensya sang gobyerno, mga kritiko, kag mga unibersidad.

Ginapasingki man ni Trump ang dumuluong nga pagpasilabot sang US. Sa pamaagi sang pagsuplay sang mga misayl kag armas sa Zionistang estado sang Israel, aktibo nga nagapakigkunsabo si Trump sa henosidyo batuk sa mga Palestino. Ginsulsolan niya ang paglusob sang Israel sa Iran sadtong Hunyo kag ginmando ang paghulog sang mga dalagko nga bomba didto. Gindeklarar niya ang plano nga lusobon ang Venezuela agud pwersa nga palayason ang kontra-imperyalista nga presidente nga si Nicolas Maduro. Padayon ang pakig-gyera nga *proxy* sang US batuk sa Russia sa Ukraine. Nagalapad nga nagalapad ang pagpasilabot sini sa Taiwan kag Pilipinas.

Garapalan nga ginagamit ni Trump ang iya pusisyon agud labi nga magkamol sang manggad. Ginkasuhan niya sang "fake news" ang isa ka kumpanya nga media, para lang magbaton sang pila ka milyon ka dolyar nga "pakig-ayusay." Grabe ang iya kalipay sa pagbaton sang isa ka \$400-milyon nga *jumbo jet* halin sa gobyerno sang Qatar bilang "donasyon" nga magakadto sa iya pagpanag-iya pagkatapos sang iya

termino. Sadtong Oktobre, gingiit niya sa tawo niya sa Department of Justice nga dapat siya bayaran sang ahensya sang balor nga \$230 milyon bilang kumpensasyon tungod kuno sa paglapas sini sa iya kinamatarung sang imbestigahan siya sang gobyerno sadtong 2023 kag 2024.

Sa subong, napaidalum sa "shutdown" ukon sirado ang gobyerno sang US tungod sa indi paghisugot sang mga kongresista kaangot sa badyet sang estado para sa 2026. Wala sang labot ang rehimen sa ginaagum nga pag-antus sang mga empleyado sang gobyerno nga nagatrabaho sang wala sang sweldo, ukon sa paubos na nga ayuda sang pagkaon para sa mga pamilya nga nagabaton lang sang minimum nga sweldo. Imbes, masako siya sa pagtukod sang 90,000 metro kwadrado nga *ballroom* (bilding para sautan) sa White House nga nagabalor sang \$300 milyon, nga plano niya nga i-pangalan sa iya kaugalingon.

Tuman na ang kaakig sang pumuluyo sang US sa rehimen Trump. Bisan ang mga sadto nagasuporta sa iya nagapakita na sang kaakig kag pagkadismaya sa iya patakaran. Wala pa siya nakalab-ot sa isa ka tuig sa katungdanan apang luyag na siya nga palayason sa pwesto sang mga Amerikano.

Nagabaskog ang singgit sang pumuluyong Amerikano: Palayason sa trono si Trump! Ginatos ka protesta na ang ginlunsar sa lain-lain nga bahin sang US agud kundenaron ang iya kontra-pumuluyo nga mga patakaran. Naghugpong ang mga komunidad agud protektahan ang mga imigrante gikan sa mapintas nga paglagas sang ICE.

Naglab-ot sa pito ka milyon ang nagtambong sa protestang "No Kings" sadtong Oktobre 18 agud ipakita ang ila disgusto sa pasista kag kontra-pumuluyo nga pagdumalahan ni Trump. Ini ang pinakadako nga hublag sa pungsod subong nga tuig. Amo man ini ang ikatatlo nga pungsodnon nga protesta subong nga tuig.

Sundan sa pahina 9

Kahimtangan sang mga Pilipinong migrante, nagalala

Sang nagligad nga semana, sunod-sunod ang mga report sang ma-kaluluoy nga kahimtangan sang mga Pilipino nga migrante nga mapintas nga ginalagas, gina-abuso, gina-deport kag ginadingutan sang hustisya kag mga kinamatarung. Sa pagsingki sang pangkalibutanon nga krisis sa ekonomiya, ginapasibangdan sila sang reklamo nga pagpang-agaw sang trabaho, ginabasol sa implasyon kag pagsaka sang tantos sang krimen sa ginahamtangan nila nga mga pungsod.

Sa Canada, Japan kag Korea, mas nagsingki ang paglagas sa mga imigrante tungod sa kontra-migrante nga polisiya kag nagalala nga kultura sang rasismo kag *xenophobia*.

Sa Taiwan, naglab-ot sa 169 ang nalista nga isip sang biktima sang pagpanglugos sa kubay sang mga migrante nga mamumugon sa pungsod sadtong nagligad nga tuig. 22 sa mga biktima Pilipino. Mayo-riya sa mga biktima nagatrabaho sa pabrika kag bilang mga *domestic helper*.

Sa US, 143 ka Pilipino nga marino ang gin-deport halin nagligad nga tuig. Sadtong Septyembre, ginkanselar sang embahada sang US sa Pilipinas ang aprobado nga mga US visa sang mga marino nga manughalin pa lang sa pungsod. Kaangay sa mga ginpang-deport nga mga marino, gingamit sang embahada nga rason ang pasibangud nga kaso nga *child pornography* bisan wala sang ebidensya ukon imbestigasyon nga ginhimo.

Sa Thailand, masobra sa isa ka gatos ka Pilipino nga biktima sang "scam-hub trafficking" ang nakaabot na sa dulunan sang Myanmar kag nagakinahanglan sang gilayon nga pagbulig kag gilayon nga aksyon.

Sa Kuwait, hilaw nga hustisya ang naagum sang pamilya ni Dafnie Nacalaban, isa ka *domestic helper* nga ginpatay sang iya amo. Gindagdagan lang sang 14 ka tuig nga pagkabilanggo ang iya amo nga manubo nga sentensya para sa iya krimen.

Sa The Netherlands, gindingot man ang hustisya sa 11 ka Pilipino nga migrante nga mamumugon sa desisyon sang Public Prosecution Service nga ibasura ang reklamo nila nga *human trafficking* batuk sa Saints and Stars Gym nga nakabase sa Amsterdam.

Ang makangilidlis nga kahimtangan sang mga migrante direkta nga bunga sang *labor export policy* sang reakyonaryong gobyernong Pilipino. Ginasuportahan sang mga patakaran nga ini ang migrasyon sang mga mamumugon nga Pilipino imbes nga sabton ang problema sa kawad-on sang trabaho, makabuhi nga sweldo kag desente nga sosyal nga serbisyo.

Halin sa pahina 8

Aktibo nga nagapakigbahin ang mga demokratiko nga organisasyon sang mga Pilipino sa mga hublag sa US. Naglunsar sila sang mga kampanya, sa idalum sang Tanggol Migrante Movement, agud ipanawagan ang paghilway, hatagan sang proteksyon kag serbisyo ang mga iligal nga ginbilanggo nga mga Pilipinong migrante, kag sukton ang gobyernong Marcos sa salabton sini nga protektahan ang mga Pilipino sa US.

Sa Nobyembre 8,sa una nga tuig sang pagdaog sa eleksyon ni Trump, natalana nga maglunsar sang protesta ang lain-lain nga tsapter sang mga organisasyon sa US sa pagpanguna sang Bagong Alyan-sang Makabayan.

North Caloocan, gin-atake sang 12th CMO, NTF-Elcac

I sa ka bulan na nga ginagamo sang 12th Civil Military Operation (CMO) Battalion kag NTF-Elcac ang mga residente sang North Caloocan. Wala-tuo ang ginhimo sini nga *Red-tagging*, pagpangtiktik kag pagpang-ipit ilabi na sa mga myembro sang progresibong organisasyon sa mga barangay.

Una nga nadeploy ang batalyon sa Barangay 181-182, Pangarap Village sadtong Oktobre 3 sa tabon sang Community Support Program. Plano sang militar nga sumpuon ang pakigbato sang pumuluyo nga nagaatubang sa peligro sang demoli-syon halin sa pamilya Araneta.

Nagsugod nga magkampo ang 12th CMO sa pagpanguna ni 2nd Lt. Julie San Jose sa likod sang *covered court* sang Barangay 175, Camarin sadtong Oktobre 6, sa tabon sang kalinong kag katawhayan. Diri na nagpokus sang operasyon ang batalyon. Pagkaligad sang pila ka adlaw ginsakop sang ila operasyon ang Barangay 187-188 Tala.

Sadtong Oktobre 28, ginsulod ang opisina sang Gabriela-Caloocan sang nagpakilala nga mga pulis. Nagdeklarar ang mga ini nga may dala nga *warrant of arrest* pero wala sang may ginpakita nga dokumento. Sa amo man nga adlaw, ginpatawag sang militar kag kapitan sang barangay ang mga myembro sang Gabriela-Matarik sa barangay *hall* kon diin ginpasibangdan sila nga rekruter sang rebolusyonaryong organisasyon.

Gingamit man sang NTF-Elcac ang asembliya sang barangay sadtong Oktobre 18 agud magpalapnag sang sayup nga impormasyon kag i-*Red-tag* ang mga organisasyon masa. Hayagan ang pagpaniktik sang militar sa mga aksyon protesta batuk sa korapsyon sang mga progresibo nga grupo, nga ginlunsar sa Camarin Kiko Palengke kag sa UCC Congressional Village sadtong Oktobre 10 kag 17.

Nagakahangawa ang Defend Caloocan nga liwat piliton sang militar ang mga myembro sang progresibo nga grupo kag mga residente nga "mag-balik sa gobyerno" kaangay sa ginhimo sang 12th CMO sa United Vendors Alliance sadtong 2024.

Ang militarisasyon nga nagakahitabo sa North Caloocan santo sa balayon sang National Action Plan for Unity, Peace and Development. Suno sa programa nga Capacitating Urban Communities for Peace and Development nga ginpangunahan sang Department of the Interior and Local Government, ginpaidalum ang mga komunidad sa kasyudaran nga may nagatindog nga pungsodnon nga organisasyon sa operasyon sarbeylans, pagpang-ipit kag pagpangsumpo sang PNP kag AFP.

**Pagpasilabot sang NTF-Elcac sa mga unibersidad,
ginapaslaw sang mga estudyante**

MUKLAT KAG MILITANTE nga ginapaslaw sang mga pamatan-on kag estudyante ang pagtilaw nga pagpasilabot sang National Task Force-Elcac kag mga bayaran nga traidor sa rebolusyonaryong kahublagan sa mga unibersidad sa tabon sang mga "porum" kag "akademikong talakayan."

Sa UP Mindanao, nag-*walkout* ang mga lider-estudyante sa kampus sa porum sang TAGBO 2025 sadtong Oktobre 26 tungod sa pagsingit kag paghambal ni Arian Ramos, traidor sa rebolusyonaryong kahublagan kag isa sa masupog nga tigpangapin sang NTF-Elcac kag Armed Forces of the Philippines. Si Ramos, upod sang iya mga kapareho nga mga traidor, ang nagapanguna sa *Red-tagging* sang lehitimo nga mga organisasyon estudyante kag ila mga lider. Nagdala pa si Ramos sang "bodyguard" nga ahente sang paniktik nga nagtuga sang grabe nga kahangawa sa mga estudyante.

Gindayaw sang Council of Student Leaders sang unibersidad ang ginhimo nga pag-*walkout* sang mga estudyante. Ginbatikos man nila ang administrasyon sang UP Mindanao nga nagpahanugot sang panghitabo nga suno sa ila indi isa ka "isolated" nga insidente. Suno sa ila, laragway ini sang mga "kahuyangan sang institusyon" nga sadto pa nila ginabatikos. Masobra 30 ka organisasyon pang-estudyante sang UP Mindanao ang nagpirma sa pahayag sang CSL.

Sa UST, napaatras sang kolektibo nga pagkunderan sang mga estudyante ang kuntani partisipasyon sang NTF-Elcac sa porum nga "Preventing Terror Grooming: The Philippine Experience." Suno sa mga progresibo nga grupo sa kampus, ang pag-imbatar sa ahensya pagtapak sa dungog sang unibersidad kag sa mga Tomasino nga ginapakig-away ang kamatuoran.

Sadtong Nobyembre 5, nagpatigayon sang protesta ang mga estudyante sa kampus bilang pagrehistro sang pagbatikos sa NTF-Elcac kag sa porum. Bisan napaatras ang NTF-Elcac, nagserbe pa gihapon nga bisita kag taghambal sa porum sadtong Nobyembre 6 ang tiglawas sang National Security Council, kag traidor nga si Arian Ramos. Nakigdebate sa ila kag nagpanindugan kontra *Red-tagging* ang isa ka aktibista sa UST.

**Isla sang Leyte, ginbayo
sang militarisasyon sang 802nd IB**

SUGOD ENERO TUBTOB Oktobre subong nga tuig, indi magnubo sa 99 ka barangay kag 15 ka munisipalidad sa isla sang Leyte ang ginatake sang operasyon kombat sang 802nd IB. Kabulig sa operasyon sini ang 14th IB, 93rd IB, 8th CMO Battalion kag pulis.

Sa probinsya sang Leyte, mga 10 ka banwa ang ginsakop sang operasyon kombat, lakip ang Baybay City, nga sadtong Pebrero ginkategorya nga Stable Internal Peace and Security Condition (SIPSC) para ipaguwaga nga wala sa sang pwersa ang hukbo sang banwa sa lugar. Sadtong Septyembre, ginpaidalum sa *hamlet* ang Barangay Caraye sa Javier, kag barangay Igang kag Hilapnitan sa Baybay City.

Sa Southern Leyte, lima ka banwa ang militarisado, lakip ang Saint Bernard nga ginkategorya man nga SIPSC sadtong Marso.

Suno sa mga residente, kada yara sa baryo ang militar tayuyon ang pagpanghadlok sang mga ini. Pilit sila nga temprano pa ginapapauli halin sa ila mga ulumhan. Ginapahog sila nga arestuhon kag bilangguon kon maghatag sang bulig sa hukbo. Ginapasungka man sang militar ang mga pusil nga ginagamit sang mga residente sa pagpangayam.

Isa ka pinakaulihi nga krimen sang militar sa isla ang pagdakop sa mangunguma nga si "Loloy" nga taga-barangay Masuganao, Mahaplag, Leyte. Ginapasibangdan siya nga myembro sang Bagong Hukbong Bayan.

Paglapas sa tawhanon nga kinamatarung sa Panay, Negros, nagapadayon

Padayon nga gina-target sang militar kag pulis ang mga mangunguma sa isla sang Panay kag Negros sang nagligad nga mga semana agud kugmaton ang mga komunidad kag magsabwag sang terorismo.

Sa Negros Occidental, ginpatay sang militar ang babaye nga mangunguma nga si Joan Escudero sadtong Nobyembre 3 sang gab-i. Ginsulod sang mga ahente sang militar ang iya balay kag malapitan siya nga ginluthang.

Sa Bago City, padayon ang pagpang-ipit sang pulis sang Negros Occidental District Jail-Male Dormitory sa mga bilanggong pulitikal kag lider nga nagpakigbato sa pagpang-abuso sang napalayas apang nakabalik sa poder nga si warden Maj. Crisysrel Awe. Ar-

bitrario nga ginbartolina si Lorenzo Perolino sugod Oktobre 26 sang hapon.

Sa Iloilo City, ginaresto sang pulis ang 67 anyos nga si "Mayok" sa Barangay Buntatala, Jaro sadtong Nobyembre 3. Ginpasakaan siya sang sampaw-sampaw nga mga kaso kag ginapasibangdan nga mataas nga opisyal sang rebolusyonaryong kahublagan. May patong siya nga ₱2.55 milyon.

Samtang, ginaresto sang mga pulis kag militar ang organisador sang mangunguma kag tumandok nga si

Marlene Espiritu samtang nagabyahe sa Mabalacat City, Pampanga sadtong Nobyembre 1. Ginapasibangdan siya nga mataas nga opisyal sang BHB Central Luzon kag ginpasakaan sang lima ka kaso nga kriminal.

Sa Davao City, gindagdagan sang 30-adlaw nga suspensyon sang Ombudsman sadtong Oktobre 20 ang kapitan sang Barangay Bucana 76-A nga si Robert Olanolan tungod sa iya pakigbato sa demolisyon sa Kabacan kag Times Beach halin pa Enero 2024. Naggaatubang si Olanolan sang reklamo nga *grave abuse* nga ginpasaka sang DMCI nga plano nga magpatindog sang negosyo sa lugar.